



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



Número 64 / 2025

CONVENIO DE COOPERACIÓN ENTRE A EXCELENTÍSIMA DEPUTACIÓN PROVINCIAL DA CORUÑA E A FEDERACIÓN GALEGA POLA CULTURA MARÍTIMA E FLUVIAL POLO QUE SE INSTRUMENTA UNHA SUBVENCIÓN NOMINATIVA PARA O COFINANCIAMENTO DO PROXECTO “XVII ENCONTRO DE EMBARCACIÓNS TRADICIONAIS DE GALICIA”. RIBEIRA 2025.

Na Coruña, a 01 de agosto de 2025, na sede da Deputación Provincial da Coruña.

Ante min, Miguel Iglesias Martínez, Secretario Xeral da Deputación Provincial da Coruña, como fedatario actuante

REUNIDOS

Dunha parte, Don Valentín González Formoso, Presidente da Excelentísima Deputación Provincial da Coruña

E doutra parte Don José Luis Sacau Fontenla, Presidente da **Federación Galega pola cultura marítima e fluvial**.

Os comparecentes interveñen en uso das potestades que, por razón dos seus cargos, estalles atribuídas

1. Que a Excelentísima Deputación Provincial da Coruña e a FEDERACIÓN GALEGA POLA CULTURA MARÍTIMA E FLUVIAL consideran de gran interese para a provincia financiar un proxecto de difusión do XVII encontro de embarcacións tradicionais de Galicia. Ribeira 2025 que consiste nunha conmemoración marítima bienal e itinerante que congrega ás diferentes tipoloxías de embarcacións tradicionais representativas do patrimonio marítimo galego, así como doutras zonas xeográficas, acompañada de actos culturais e de lecer, xornadas de conferencias, coloquios, exposicións, publicacións, música e danza tradicional, artesanía, e un longo número de actividades complementarias dirixidas ao público asistente.

2. Que dado o interese coincidente da Deputación da Coruña e da FEDERACIÓN GALEGA POLA CULTURA MARÍTIMA E FLUVIAL, as dúas partes acordan subscribir un convenio conforme ás seguintes

CLÁUSULAS

I.- OBXECTO

1- O presente convenio de cooperación ten por obxecto a fixación das bases de outorgamento dunha subvención nominativa por esta Deputación a prol da **Federación Galega pola cultura marítima e fluvial** con CIF G36231561, polo que se instrumenta unha subvención nominativa para o cofinanciamento do proxecto “XVII ENCONTRO DE EMBARCACIÓNS TRADICIONAIS DE GALICIA. RIBEIRA 2025” tal e como aparecen definidas na memoria de actividades.

II.- ORZAMENTO DE GASTOS DA ACTIVIDADE A REALIZAR

A Federación galega pola cultura marítima e fluvial levará a cabo as actividades programadas, segundo se definen na cláusula anterior, consonte ao seguinte orzamento:

GRUPO CONTABLE	PARTIDA / CONCEPTO DE GASTO	TOTAL
	LOXÍSTICA NO MAR	16.796,00 €
600	Aprovisionamentos varios seguridade no mar (boias, sinalizadores...)	- €
621	Aluguer servizo guindastre para botadura embarcacións participantes pequena eslora (90,75 €/hora)	726,00 €
621	Aluguer de lanchas de apoio a navegación e fondeos	1.500,00 €
621	Aluguer e instalación de 3 liñas de fondeo para 72 amarres e corchera perímetro navegación crianzas	13.310,00 €
623	Servizo navegación inaugural e actividade O mar para todos na embarcación Joaquín Vieta	700,00 €
628	Suministros: Gasto de combustible embarcacións auxiliares de apoio ás navegacións / fondeos	560,00 €
	LOXÍSTICA EN TERRA	36.696,12 €
602	Material de ferretería diverso para montaxe e acondicionamento de espazos e mostras	500,00 €
621	Aluguer dotación: carpas, haimas, mobiliario, tabiques expos, megafonía, pantallas led, wc...	22.941,60 €
621	Aluguer furgoneta con elevador para transporte material 7 días	941,62 €
621	Aluguer liteiras, montaxe e transporte para pernocta 150 tripulantes	7.623,00 €
621	Aluguer suministro e colocación moqueta para pernocta tripulantes en pabillón	1.600,00 €
622	Servizo de limpeza diaria baños públicos e carpas	1.439,90 €
623	Electricistas: Instalación de suministro eléctrico para embarcacións gran eslora no Porto de Ribeira	400,00 €
624	Transporte elementos expositivos a Ribeira	900,00 €
628	Suministros: gasto de combustible furgoneta aluguer para transporte material evento	200,00 €
654	Gasto de peaxes para transporte materiais diversos (ida/volta)	150,00 €
	CULTURA: ACTUACIÓNS MUSICAIS E ACTIVIDADES. DOTACIÓN	40.160,36 €
	DOTACIÓN	11.132,00 €
621	Aluguer dotación técnica: iluminación e son para concertos	4.840,00 €
621	Aluguer dotación: escenario cúpula 10x10m para concertos	4.235,00 €
621	Aluguer dotación: grupo electrógeno para espectáculos	1.452,00 €
621	Aluguer dotación: haimas camerinos 3x6m artistas	605,00 €
	CONCERTOS E ESPECTÁCULOS	12.597,50 €
623	Grupos e bandas de música: Actuación grupo de música tradicional (foliada)- xoves 17 xullo	800,00 €
623	Grupos e bandas de música: Actuación musical Catuxa Salom e Abril: Concertos -venres 18 xullo	5.566,00 €
623	Grupos e bandas de música: Actuación musical De Ninghures: Concerto -sábado 19 xullo	5.142,50 €

623	Grupos de animación: monólogos- sábado 19 xullo	1.089,00 €
	ACTIVIDADES E ESPECTÁCULOS INFANTÍS E FAMILIARES	9.880,86 €
623	Ludoteca Infantil: Monitores e actividades infantís, obradoiros e xogos tradicionais "Os nosos mares"	3.467,86 €
623	Grupos de animación: espectáculo infantil de circo, humor e clown "Antuan de la Cream"	6.413,00 €
623	Grupos de animación: espectáculo musical infantil de humor "Consertasso na Horta"	
623	Grupos de animación: espectáculo de teatro e narrativa oral "Mariñeiras" para todos os públicos	
623	Grupos de animación: espectáculo infantil de narrativa oral e cantigas "Contar co vento"	
623	Grupos de animación: espectáculo infantil de teatro "Canta buguina canta"	
623	Grupos de animación: Espectáculo de teatro, títeres e clown "Diaspora teatro" para todos os públicos	
	ANIMACIÓN DE RÚA	1.300,00 €
623	Grupos e bandas de música: pasarúas banda música tradicional diario	1.300,00 €
	EXPOSICIÓNS	- €
623	Deseñadores gráficos: Producción de exposicións de temática mariñeira	- €
	TALLERES E OBRADOIROS	4.650,00 €
623	Artesáns: Talleres e obradoiros demostrativos ao vivo (redeiras, cesteiros, pintura, carpintería de Ribeira...)	4.650,00 €
	ROTEIROS E VISITAS GUIADAS	600,00 €
623	Monitores: Roteiro sendeirismo costeiro e visitas guiadas	600,00 €
	PREVENCIÓN E SEGURIDADE NO EVENTO	7.536,08 €
623	Servizo vixilancia privada: Contratación 3 vixiantes seguridade durante o XVII Encontro (5 noites)	5.285,28 €
623	Asesores técnicos: Elaboración e implantación do Plan autoprotección e emerxencias evento. Bruto	1.790,80 €
625	Prima RC evento	220,00 €
625	Prima seguro accidentes para participantes roteiros e visitas guiadas	40,00 €
625	Prima seguro accidentes voluntariado participante	200,00 €
	HOSPEDAXES	4.428,50 €
654	Hospedaxe organización e convidados (delegacións foráneas) 17 HAB dobres/indiv	4.428,50 €
	COMUNICACIÓN E PROMOCIÓN EVENTO	20.974,92 €
	ARTES GRÁFICAS E IMPRENTA	11.589,90 €
627	Confección e seregrafiado camisetas tripulación/voluntariado e organización evento	5.600,00 €
627	Gallardetes- banderíns náuticos para embarcacións participantes evento	
627	Impresión programación evento	800,00 €
627	Impresión flyer / material promocional XVII Encontro	250,00 €
627	Lona gran formato 6*2 m + lona Photocall 2*2 XVII Encontro	1.000,00 €
	Cartelería A3 e roller promocional XVII Encontro	

	Impresión sinalética carpas e espazos evento	
627	Deseño e confección peza conmemorativa XVII Encontro para participantes, actos de homenaxe..	2.500,00 €
627	Deseño imaxe oficial e desenvolvemento aplicacións evento (cartelería, programación..)	1.439,90 €
	PUBLICIDADE E DIFUSIÓN	9.385,02 €
627	Páxina web evento: Mantemento informático, redeseño home e adaptación web para contidos destacados XVII Encontro	450,00 €
627	Páxina web evento: Renovación hosting web embarcacionstradicionais.org	127,02 €
627	Creación spot promocional e publicitario XVII Encontro. Bruto	605,00 €
627	Grabación, creación e montaxe de vídeo recordo XVII Encontro (versión web e longametraxe). Bruto	3.025,00 €
627	Campaña de publicidade en medios de comunicación (prensa escrita, dixital e TV)	3.000,00 €
627	Plan de comunicación, publicidade, RRSS e cobertura prensa do XVII Encontro. Bruto	2.178,00 €
	PERSOAL LABORAL AO SERVIZO DO EVENTO	6.430,02 €
640	Soldos e salarios imputables. Bruto	4.785,39 €
642	Seguridade social a cargo da entidade	1.644,63 €
	OUTROS APROVISIONAMENTOS, GASTOS VARIOS E OUTROS SERVIZOS XERAIS	1.978,00 €
602	Suministros varios produtos limpeza, bolsas, material papelería... durante o evento	498,00 €
622	Gastos varios de reparación e conservación de equipamentos	- €
623	Creación e xestión de plataforma para acreditación tripulación e reservas online do aloxamento tripulantes	1.000,00 €
623	Notaría: Minuta por formalización de préstamo para adianto subvencións XVII Encontro	230,00 €
653	Outros gastos por colaboracións e participación cidadá no evento	250,00 €
	TOTAL GASTOS	135.000,00 €

III.- FINANCIAMENTO PROVINCIAL E OUTROS INGRESOS QUE SE OBTENAN OU ACHEGUEN PARA A MESMA FINALIDADE.

1. A Deputación da Coruña contribuirá ao financiamento da actividade, tal como se define na cláusula primeira, cunha achega máxima de **90.000,00** euros, o que representa unha porcentaxe de **66.66667%**. No caso de que o gasto xustificado non acadase o importe total previsto na cláusula segunda, a Deputación só achegará o importe que represente o **66.66667%** da cantidade efectivamente xustificada. A contía restante, ata acadar o importe total do orzamento da actividade, está financiado con cargo a recursos (proprios ou alleos) acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.

2. Agora ben, se a cantidade xustificada resulta inferior ao 75 por cento do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3. O importe do financiamento provincial farase efectivo con cargo á aplicación orzamentaria **0112/3341/481**, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

4. A subvención da Deputación é compatíbel coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

5. No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

IV.- CONTRATACIÓN E EXECUCIÓN

1. O outorgamento dos contratos de servizos, asistencia ou subministracións necesarios para a execución da actividade corresponderalle á Federación Galega pola Cultura Marítima e Fluvial. Non se poderá contratar a realización de prestacións con persoas ou entidades vinculadas á Federación Galega pola Cultura Marítima e Fluvial nin con calquera outra na que concorran algunha das circunstancias ás que se refire o artigo 29.7 da Lei 38/2003, de 17 de novembro, xeral de subvencións.

2. Se o importe dalgunha das prestacións supera 15.000,00 euros, con carácter previo á contratación, a Federación Galega pola Cultura Marítima e Fluvial deberá solicitar polo menos tres orzamentos a distintos provedores. Entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recia sobre a oferta máis vantaxosa economicamente.

3.- No caso de que a entidade beneficiaria tramite e APROBE ALGUNHA **MODIFICACIÓN do proxecto** inicialmente aprobado, así como do contrato adxudicado, deberá remitir á Deputación, **con anterioridade** á aprobación do mesmo polo órgano competente, un exemplar do Proxecto modificado, achegando con el os informes emitidos, para a súa supervisión polos Servizos Técnicos Provinciais. Posteriormente, se achegará a certificación do correspondente acordo.

V.- PUBLICIDADE DO FINANCIAMENTO PROVINCIAL.

1. Na publicidade pola que se dea a coñecer a realización das actividades, ben sexa por medios escritos, radiofónicos, audiovisuais ou internet, deberase facer constar sempre o financiamento da Deputación Provincial da Coruña.

2. Coa memoria e conta xustificativa achegaranse os documentos que acrediten o cumprimento desta obriga da Federación Galega pola Cultura Marítima e Fluvial.

VI.- A XUSTIFICACIÓN NECESARIA PARA RECIBIR A ACHEGA PROVINCIAL.

A achega da Deputación seralle aboada Federación Galega pola Cultura Marítima e Fluvial unha vez que se presente a seguinte documentación:

1.- Memoria de actuación, subscrita polo representante legal da Federación Galega pola Cultura Marítima e Fluvial, xustificativa do cumprimento das condicións impostas neste convenio, coa indicación das actividades realizadas e dos resultados obtidos.

2.- Certificación clasificada dos gastos realizados, no que se indiquen os acredores co seu NIF, os documentos xustificativos, os importes e, no seu caso, datas de pagamento. Tamén se indicarán as desviacións con respecto ao orzamento detallados na cláusula SEGUNDA. Con esta relación achegaranse os orixinais ou copias debidamente compulsadas das facturas e demais xustificantes de gasto. No caso de que se presenten copias compulsadas, con carácter previo á compulsa deberá estenderse

unha dilixencia sobre o orixinal na que se deixe constancia de que foi presentada como xustificante de gasto para o cobro dunha subvención outorgada pola Deputación da Coruña.

3.- Certificación da aprobación das facturas e demais documentos xustificativos polo órgano competente.

4.- Acreditación do cumprimento das obrigas tributarias e coa Seguridade Social, segundo o previsto na cláusula OITAVA.

5.- Declaración doutras axudas ou subvencións solicitadas ou concedidas para a mesma finalidade.

6.- Certificación da conta bancaria, segundo o modelo aprobado pola Deputación.

7.- Proba do cumprimento das obrigas asumidas na cláusula QUINTA, mediante a aportación de documentos nos que conste a publicidade do financiamento provincial.

VII.- TERMO PARA A REALIZACIÓN DA ACTIVIDADE E PRAZO DE XUSTIFICACIÓN.

1. As actividades que son obxecto de financiamento provincial, tal como están descritas na cláusula PRIMEIRA deberán estar realizadas entre o 1 de xullo de 2025 e o 31 de xullo de 2025.

2. Unha vez rematas as actividades, a Federación Galega pola Cultura Marítima e Fluvial deberá presentar a xustificación documental á que se refire a cláusula SEXTA no prazo máximo de DOUS MESES antes do vencemento do período de vixencia do convenio establecido na cláusula DÉCIMO TERCEIRA.

3. De conformidade co disposto no artigo 70.3 do Regulamento da Lei de subvencións (Real Decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a unidade xestora remitiralle un requirimento á Federación Galega pola Cultura Marítima e Fluvial para que a presente no prazo improrrogable de QUINCE DÍAS. A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá á entidade da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable lle poida co-responder.

4. O aboamento da subvención materializarase mediante ingreso na conta da entidade financeira indicada pola Federación Galega pola Cultura Marítima e Fluvial na documentación achegada no prazo máximo de catro meses.

VIII.- CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN.

1. A entidade beneficiaria deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social.

2. A acreditación do cumprimento de ditas obrigas poderá realizarse mediante declaración responsable expedida polo órgano competente, mediante a presentación dos correspondentes certificados ou ben autorizando á Deputación a que obteña telematicamente os correspondentes certificados.

3. A acreditación do cumprimento das obrigas tributarias coa Deputación Provincial determinaraa esta de oficio.

IX.- DESTINO E MANEXO DOS FONDOS RECIBIDOS.

1. A entidade beneficiaria destinará os fondos recibidos ao pagamento dos xustificantes de gasto pre-

sentados.

2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor. Só excepcionalmente se poderá realizar o pago en metálico para gastos de ata 150,00 €, nos que resulte posíbel a utilización dun dos medios anteriormente indicados.

3. Sen prexuízo dos libros e rexistros contábeis que as normas xerais ou sectoriais lle poidan impor, a entidade beneficiaria deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificadas e aos ingresos declarados con respecto a esta subvención.

X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.

1. Consonte ao disposto nos artigos 44 e seguintes da Lei 38/2003, de 17 de novembro, Xeral de subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, a entidade beneficiaria poderá ser escollida pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.

2. Asemade, de acordo co previsto na Lei 6/1985, de 24 de xuño, do Consello de Contas de Galicia, á entidade beneficiaria queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuízamento contábel que poida incoar o Tribunal de Contas, e a calquera outro órgano de control, nacional ou europeo.

XI.- REINTEGRO, INFRACCIÓNS E SANCIÓNS.

1. O incumprimento dalgunha das cláusulas previstas no presente convenio de cooperación poderá implicar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3. Nos supostos de retraso na realización das obras ou retraso na presentación da xustificación, estarase ao disposto na ordenanza provincial de desenvolvemento que resulte aplicable.

4. Se o retraso se produce no pago ao adxudicatario ou terceiros que teñan realizado o obxecto do convenio, se liquidará o xuro legal do diñeiro polo período que medie entre o prazo indicado na cláusula VI.3 e a data do pago efectivo ao terceiro.

XII.- INCORPORACIÓN AO REXISTRO PÚBLICO DE SUBVENCIÓNS E PUBLICACIÓN DA SUBVENCIÓN CONCEDIDA.

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da entidade beneficiaria serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 3/2018 de 5 de decembro de Protección de Datos Persoais e garantía dos dereitos dixitais.

2. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.

3. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención á entidade beneficiaria será publicada no Boletín Oficial da Provincia da Coruña e na páxina web dacoruna.gal.

4. Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e Contratación da Deputación.

XIII.- VIXENCIA DO CONVENIO, PRÓRROGA OU MODIFICACIÓN.

1. O presente convenio de colaboración terá carácter retroactivo para os efectos de imputación de gastos e abranguerá os devengados dende o día 1 de febreiro de 2025 e o 31 de xullo de 2025, sen que en ningún caso sexan subencionables os gastos devengados con anterioridade a dita data e conservará a súa **VIXENCIA** ata o **31 de decembro de 2025**. A súa aprobación queda condicionada á existencia de crédito adecuado e suficiente no exercicio orzamentario correspondente e ao cumprimento dos obxectivos da Lei de Estabilidade Orzamentaria.

2. Para o caso de que a entidade beneficiaria non poida ter presentada a xustificación **antes do día 31 de outubro de 2025**, deberá solicitar antes desta data, a prórroga do prazo inicial, achegando unha solicitude motivada, co fin de que a Deputación poida acreditar a existencia de crédito adecuado e suficiente para o pago que proceda, do importe correctamente xustificado. Acreditada esta circunstancia, a Deputación poderá conceder a prórroga solicitada, que en ningún caso poderá exceder do 31 de outubro do ano seguinte. Con esta data, o convenio quedará definitivamente extinguido, de xeito que a entidade perderá o dereito ao cobro do importe corresponde á contía non xustificada na dita data. A concesión da devandita prórroga, previos os informes preceptivos da Unidade Xestora, do servizo de contratación e da Intervención provincial será eventualmente realizada mediante Resolución da Presidencia da Deputación.

3. Tamén, por acordo expreso de ambas as dúas partes e previos os informes da Unidade Xestora, do servizo de Patrimonio e Contratación, da Secretaría e da Intervención da Deputación, **o convenio poderá ser obxecto de modificación**. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

XIV.- NATUREZA, INTERPRETACIÓN E XURISDICIÓN COMPETENTE.

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicárase a lexislación de contratos do sector público.

2. Para o seguimento coordinado da execución do presente convenio crearase unha **comisión de**

seguimento formada por dous representantes de cada unha das institucións nomeados polo Presidente da Deputación e o pola entidade respectivamente.

3. Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

4. Faise constar que o presente convenio foi aprobado polo Pleno da Corporación Provincial en sesión celebrada o 27 de xuño de 2025.

E en proba de conformidade, asinan por duplicado exemplar o presente convenio, no lugar e data indicados no encabezamento

**O PRESIDENTE DA
DEPUTACIÓN PROVINCIAL DA CORUÑA**

**O PRESIDENTE DA FEDERACIÓN
GALEGA POLA CULTURA MARÍTIMA E
FLUVIAL**

Asdo. Valentín González Formoso

Asdo. José Luis Sacau Fontenla

**O SECRETARIO XERAL DA
DEPUTACIÓN PROVINCIAL DA CORUÑA**

Asdo. Miguel Iglesias Martínez